



EXTRACTO BASES SEGUNDA CONVOCATORIA

III PLAN BECAS MUNICIPAIS DO CONCELLO DE NIGRÁN

De conformidade co previsto nos artigos 17.3.b) e 20.8.a) da Lei 38/2003, do 17 de novembro, xeral de subvencións, publícase o extracto da convocatoria cuxo texto completo se pode consultar na Base de datos nacional de subvencións (BDNS) (<http://www.pap.minhap.gob.es/bdnstrans/index>):

1. OBXECTO DESTA CONVOCATORIA.

Estas bases teñen por obxecto a segunda convocatoria do Terceiro Plan de Becas Municipais do Concello de Nigrán (PBM) orientado a que as persoas participantes adquiren cualidades valoradas polo entorno empresarial mellorando as habilidades profesionais e persoais necesarias para desenvolver a súa carreira profesional en contextos como o actual, altamente competitivos, e dotando ás persoas beneficiarias das competencias e aptitudes necesarias para facilitar e mellorar a súa inserción no mercado laboral nas distintas tipoloxías de organizacións empresariais existentes.

2. PERSOAS BENEFICIARIAS.

Poderán ser beneficiarias destas becas as persoas físicas que, tendo plena capacidade de obrar e non estando inhabilitadas para obter axudas e subvencións públicas, reúnan os seguintes requisitos:

- a) Estar en posesión das titulacións e perfil específico que se establezan para cada unha das becas convocadas.
- b) Ter rematadas ditas titulacións no ano 2012 ou con posterioridade a esa data.
- c) Acreditar o coñecemento da lingua galega, nivel Celga III.
- d) Non estar incapacitadas físicamente nin padecer enfermidade que poida impedir o desenvolvemento da actividade obxecto da beca.
- e) Estar desempregadas inscritas na oficina do Servizo Público de Emprego de Galicia no momento de presentación da solicitude, tendo, nun cómputo total dos últimos 24 meses contabilizados ata a data de presentación da instancia de participación, un mínimo 60 días de desemprego acreditados segundo certificado de períodos de inscrición. Permitirase a mellora de emprego, sempre que, segundo reflecta á vida laboral da persoa candidata no apartado "CTP %", dita porcentaxe non sexa superior ao 18,75%.
- f) Constar empadroadas neste concello, con antigüidade de tres meses, en





relación coa data desta convocatoria.

- g) Non ter experiencia laboral previa na profesión ou área de coñecementos, entendendo por tal non ter estado/a contratado/a polos grupos de cotización correspondentes aos niveis formativos da titulación esixida máis de 186 días dende o ano 2012, ou non ter estado/a de alta como autónomo/a, en actividades relacionadas co obxecto da beca máis de 186 días dende o ano 2012, nen gozar con anterioridade doutra beca de calquera organismo público e/u privado para formarse na súa rama profesional e para a mesma titulación.
- h) Estar dispostas a asumir os gastos de desprazamento ao centro de formación de destino.
- i) Non estar incursas nalgunha das prohibicións sinaladas no artigo 13 da lei 38/2003, de 17 de novembro, xeral de subvencións.

3. DURACIÓN.

As becas de formación terán unha duración de 6 meses, prorrogables por outros seis, en función do aproveitamento demostrado durante o primeiro período formativo, e a proposta do/a titor/a correspondente co visto e prace do Alcalde, unha vez analizada a memoria obrigatoria elaborada por parte de cada unha das persoas beneficiarias.

A data de inicio deste programa será fixada polo concello en atención ás circunstancias e dispoñibilidade desta entidade e será comunicada ás persoas becarias con antelación suficiente ao momento de inicio.

4. DOTACIÓN ECONÓMICA.

A dotación económica das becas será de 800,00 euros brutos/mes que se imputarán ás aplicacións orzamentarias correspondentes: 241/48100, aplicación: Becas fomento de emprego.

O pagamento das becas realizarase a partir da data de incorporación da persoa beneficiaria, por mensualidades completas ou a parte proporcional. Esta cantidade será incompatible con calquera outra actividade remunerada, calquera que sexa a súa natureza, polo que, aquelas persoas seleccionadas que estivesen inscritas en mellora de emprego non poderán compaxinar o traballo co desenvolvemento da beca.

Como xa se sinalou, a consideración de persoa becaria non xerará, ao remate da mesma, dereito a ningún tipo de indemnización económica.

5. BECAS CONVOCADAS.





- Número e definición das becas: becas vacantes tras o remate do proceso selectivo realizado ao abeiro da primeira convocatoria deste programa municipal, para formarse como auxiliar administrativo para distintos departamentos municipais.
- Titulación mínima: Ciclo medio de xestión administrativa.
- Titulacións aceptadas (escollidas pola súa relación coas tarefas habitualmente desenvolvidas nos departamentos municipais de posible destino das persoas becarias):
 - Ciclos superiores da rama FP “Administración e xestión”.
 - Titulacións universitarias de rama xurídica.
 - Titulacións universitarias de rama laboral.
 - Titulacións universitarias de ramas económicas e/ou empresariais.
 - Titulacións universitarias da rama de xestión.

O Tribunal terá a competencia exclusiva para determinar se a titulación alegada pola/s persoa/s aspirante/s pode ou non encadrarse nas ramas anteriormente citadas.

6. SISTEMA DE ACCESO Á BECA: estará composto por catro partes:

- Proba práctica escrita, obrigatoria, eliminatória e puntuable: mínimo 2,00 puntos, máximo 4,00 puntos.
- Proba práctica oral, obrigatoria, eliminatória e puntuable: mínimo 1,50 puntos, máximo 3,00 puntos.
- Entrevista curricular persoal, obrigatoria, non eliminatória e puntuable: máximo 1,00 punto.
- Baremación curricular, non eliminatória e puntuable: máximo 2,00 puntos.

7. PRESENTACIÓN DE SOLICITUDES:

As persoas que desexen tomar parte neste proceso de acceso ás becas, deberán facelo mediante instancia dirixida ao Sr. Alcalde-Presidente xunto co resto da documentación mínima recollida nesta convocatoria. O modelo de instancia específico, estará a disposición de todas as persoas candidatas no Rexistro Municipal, no Departamento de Desenvolvemento Local, no Centro Antena e, con carácter complementario, na Web Municipal e/ou na Sede Local de Nigrán

A presentación das solicitudes poderá facerse no Rexistro Municipal, mediante a Sede Local de Nigrán, ou en calquera das formas establecidas no art. 38.4 da Lei 30/92, de Réxime Xurídico das Administracións Públicas e do Procedemento





CONCELLO DE NIGRÁN (Pontevedra)

Pza Constitución,1 CP 36350
Tfno. 986 365 000 Fax 986 383 931

Administrativo Común.

Co fin de axilizar o proceso, as persoas aspirantes que non presenten as solicitudes directamente no Rexistro Municipal ou na Sede Local de Nigrán, deberán comunicalo obrigatoriamente por telegrama, fax (986 - 38 39 31), correo electrónico (tle.nigran@nigran.org) ou outro medio, no mesmo día da súa presentación, que deberá estar sempre dentro do prazo establecido nestas bases.

As persoas aspirantes que precisen adaptacións de medios e/ou tempo para a realización das probas de acceso ás becas, presentarán escrito, xunto á solicitude de participación, no que se especifique o tipo de adaptación que solicitan, así como o certificado médico xustificativo da adaptación solicitada. A adaptación de tempos levarase a cabo de conformidade co disposto na Orde PRE/1822/2006, de 9 de xuño, pola que se establecen os criterios xerais para a adaptación de tempos adicionais nos procesos selectivos para o acceso ao emprego público de persoas con discapacidade.

O prazo de presentación das solicitudes será de 15 días hábiles, contados a partir do seguinte á publicación destas bases no BOP de Pontevedra.

O ALCALDE

